



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-242-4/22**
Datum: **04.08.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica, «CESTING» d.o.o. Žepče PJ Želeća za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta postrojenja za sekundarnu preradu kamena dijabaza u naselju Želeća, općina Žepče, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), donosi

RJEŠENJE **o vodnoj dozvoli**

1. Pravnom licu, «CESTING» d.o.o. Žepče PJ Želeća daje se vodna dozvola za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta postrojenja za sekundarnu preradu kamena dijabaza (mokra separacija) u naselju Želeća, na zemljištu označenom kao k.č. broj: 379/1, 398 i 405/1 K.O. Želeća po starom premjeru što po novom premjeru odgovara dijelu zemljišta označenom kao k.č. broj: 261, 262 i 263 K.O. Želeća, općina Žepče, općina Žepče.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za zahvatanje vode za tehnološke potrebe, a za čije izdavanje je nadležno Ministarstvo poljoprivrede, šumarstva i vodoprivrede Zeničko-dobojskog kantona u skladu sa članom 139. stav 2. tačka 1. i 2. Zakona o vodama ili općina, ukoliko je kantonalnim propisom prenesena nadležnost na općinu, shodno stavu (3) istog člana Zakona.
3. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 3.1. Da se upotreba i korištenje predmetnog postrojenja u naselju Želeća, općina Žepče vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da se, za vrijeme trajanja ove dozvole, obezbijedi da se tehnološke otpadne vode nastale na platou namijenjenom za održavanje mehanizacije i pranje vozila predmetnog postrojenja nesmetano sakupljaju putem slivnog kanala sa rešetkom i odvođe do objekata predviđenih za tretman otpadnih voda (taložnik i separator ulja i masti), a zatim ovako tretirane vode ispuštaju preko okna za monitoring u rijeku Bosnu.
 - 3.3. Da se, za vrijeme trajanja ove dozvole, obezbijedi da se otpadne vode nastale obaranjem prašine u postupku sekundarne prerade kamena dijabaza na lokalitetu predmetnog postrojenja nesmetano sakupljaju i odvođe do objekata predviđenih za tretman otpadnih voda (sabirni bazen i taložnik), a zatim ovako tretirane vode ispuštaju preko okna za monitoring u rijeku Bosnu.
 - 3.4. Da se poduzmu sve potrebne mjere kojima bi se obezbijedilo da prečišćene otpadne vode, prije ispuštanja u krajnji recipijent – rijeka Bosna (na dva mjerna mjesta), ostanu u maksimalno dopuštenim granicama definisanim u Prilogu 27. Tabela 1. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.5. Objekte čija je svrha odvođenje i prečišćavanje otpadnih voda (taložnik, separator ulja i masti, sabirni bazen, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Održavanje, čišćenje i pražnjenje taložnika i separatora ulja i masti može vršiti isključivo firma ovlaštena za tu vrstu djelatnosti,

- prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja taložnika i separatora ulja i masti te izdvojenom talogu iz istih.
- 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na dva mjerna mjesta u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 3.7. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
 - 3.8. Sirovina i frakcije prerađenog kamena dijabaza, sadržaj (mulj) iz taložnika i separatora ulja se ne smiju ni privremeno odlagati na česticu «vodno dobro», odnosno u vodotoke i na njegove obale. Pojas vodnog dobra kao i obala i korito rijeke Bosne ni na koji način ne smiju biti izloženi devastaciji i koristiti se suprotno odredbama člana 12. Zakona o vodama.
 - 3.9. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
 4. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove dozvole, Korisnik je dužan provoditi sve mjere i aktivnosti propisane istom.
 6. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnim objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. U ovoj upravnoj stvari plaćene su sve upravne pristojbe.
 11. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 12. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 13. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica, «CESTING» d.o.o. Žepče PJ Želeća dana 20.05.2022. godine podnesen je ovoj Agenciji zahtjev za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta postrojenja za sekundarnu preradu kamena dijabaza (mokra separacija) u naselju Želeća na zemljištu označenom kao k.č. broj:

379/1, 398 i 405/1 K.O. Želeća po starom premjeru što po novom premjeru odgovara dijelu zemljišta označenom kao k.č. broj: 261, 262 i 263 K.O. Želeća, općina Žepče.

Uz zahtjev je dostavljena sljedeća dokumentacija:

- Ovjerena kopija Rješenja o registraciji u sudski registar broj: 043-0-Reg-09-000063 izdataog dana 02.12.2009. godine od strane Općinskog suda u Zenici,
- Ovjerena kopija Rješenja o izmjenama podataka u sudski registar broj: 043-0-Reg-22-000095 izdataog dana 10.02.2022. godine od strane Općinskog suda u Zenici,
- Ovjerena kopija Uvjerjenja o registraciji/upisu u Jedinostveni registar obveznika neizravnih poreza broj: 04/1-17-1-UPJR/1-2898-2/14 izdatog dana 06.05.2014. godine od strane Uprave za indirektno-neizravno oporezivanje Banja Luka,
- Ovjerena kopija Uvjerjenja o poreznoj registraciji izdatog dana 04.11.2004. godine od strane Porezne uprave Federacije BiH – Kantonalni porezni ured Zenica,
- Ovjerena kopija Potvrde o promjeni podataka za ID broj poreznog obveznika izdata dana 24.02.2022. godine od strane Porezne uprave Federacije BiH – Kantonalni porezni ured Zenica,
- Kopija Rješenja o upotrebnoj dozvoli UP-I-broj: 03-23-5-5566/19 izdatog dana 06.08.2019. godine od strane Službe za graditeljstvo i prostorno uređenje Općina Žepče,
- Ovjerena kopija Rješenja o vodnoj dozvoli broj: UP-I/25-3-40-417-9/20 izdatog dana 04.05.2021. godine od strane «Agencije za vodno područje rijeke Save» Sarajevo,
- Kopija dopisa broj: 12-23-03600/17 upućenog dana 19.05.2017. godine Službi za graditeljstvo i prostorno uređenje Općine Žepče od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona (nije potrebna okolinska dozvola),
- Projekat izvedenog stanja – Postrojenje za sekundarnu preradu kamena dijabaza u naselju Želeća, općina Žepče urađen od strane «Zavod za vodoprivredu» d.d. Sarajevo, septembar 2020. godine – na uvid,
- Kopija Izvještaja o monitoringu kvaliteta i kvantiteta otpadnih voda broj: 7-385-3381/22 urađen od strane «TQM» d.o.o. Lukavac, juli 2022. godine,
- Kopija Ugovora o čišćenju separatora i odvozu/zbrinjavanju zauljenog otpada broj: 1317/22-DS zaključenog dana 02.08.2022. godine između «CESTING» d.o.o. Žepče i «DELTA PETROL» d.o.o. Kakanj,
- Dokaz o uplaćenju upravnoj taksi na zahtjev,

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz starog Rješenja o vodnoj dozvoli (broj: UP-I/25-3-40-417-9/20 od 04.05.2021. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 04.08.2022. godine konstatovano je da podnosilac zahtjeva «CESTING» d.o.o. Žepče redovno izmiruje svoje obaveze uplate posebnih vodnih naknada.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), izvršen je obilazak lokaliteta predmetnog postrojenja za sekundarnu preradu kamena dijabaza u naselju Želeća, općina Žepče te je sačinjen zapisnik o izvršenom uviđaju broj: UP-1/21-3-40-242-3/22 od 26.07.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Postrojenje za sekundarnu preradu kamena dijabaza locirano je na desnoj obali rijeke Bosne u naselju Želeća na zemljištu označenom kao k.č. broj: 379/1, 398 i 405/1 i K.O. Želeća po starom premjeru što po novom premjeru odgovara dijelu zemljišta označenom kao k.č. broj: 261, 262 i 263 K.O. Želeća, općina Žepče.
- Snabdijevanje pitkom vodom za potrebe uposlenih riješeno je priključkom na mjesni vodovodni sistem kojim upravlja MZ «Golubinja» Žepče a prikupljene sanitarno fekalne vode iz toaleta za uposlene se ispuštaju u septičku jamu bez preliva za što je od strane Ministarstva za poljoprivredu, šumarstvo i vodoprivredu Zeničko-dobojskog kantona izdat vodni akt.
- Za tehnološke potrebe postrojenja voda se zahvata iz rijeke Bosne.

- Za predmetni kompleks (mokra separacija) je u ranijem postupku od strane ove Agencije dana 04.05.2021. godine izdato Rješenje o vodnoj dozvoli broj: UP-I/25-3-40-417-9/20. Uslov definisan tačkom 3. Rješenja je ispunjen tj. izvedeni su radovi na sistemu za prikupljanje i prečišćavanje tehnoloških otpadnih voda nastalih na betonskom platou za održavanje mehanizacije i pranje vozila kao i otpadnih voda nastalih obaranjem prašine u postupku sekundarne prerade kamena dijabaza na lokalitetu predmetnog postrojenja kako je predviđeno projektnom dokumentacijom na osnovu koje je izdato Rješenje.
- Tehnološke otpadne vode nastale obaranjem prašine u postupku sekundarne prerade kamena dijabaza se sakupljaju i odvođe do sabirnog bazena a potom i taložnika. Prečišćene vode se ispuštaju preko okna za monitoring u rijeku Bosnu (mjerno mjesto br 1).
- Tehnološke otpadne vode nastale na platou namijenjenom za pranje i održavanje mehanizacije se prikupljaju putem slivnog kanala sa rešetkom i odvođe na tretman u taložnika a potom u separator ulja i masti. Krajnji ispušt prečišćenih voda je preko okna za monitoring u rijeku Bosnu (mjerno mjesto br 2).
- U neposrednoj blizini ovog ispusta izgrađen je betonski plato sa kanalom za popravak vozila (bez slivnika i ispusta) koji nije predviđen projektnom dokumentacijom.
- Na uvid dostavljen Izvještaj o monitoringu kvaliteta i kvantiteta otpadnih voda na dva mjerna mjesta urađen od «TQM» d.o.o. Lukavac, juli 2022. godine. Ispitivani parametri zadovoljavaju granične vrijednosti emisije utvrđene Uredbom o uslovima ispuštanja otpadnih voda u prirodne recipijente i sisteme javne kanalizacije.

• Za čišćenje separatora zaključen je Ugovor sa «DELTA PETROL» d.o.o. Kakanj, Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog postrojenja i aktivnosti na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva, «CESTING» d.o.o. Žepče PJ Želeća ispunio minimum uslova za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških otpadnih voda u prirodni recipijent sa lokaliteta postrojenja za sekundarnu preradu kamena dijabaza u naselju Želeća, općina Žepče, te je riješeno kao u dispozitivu ovog Rješenja.

Podnosilac zahtjeva je uplatio i posebne troškove shodno Zaključku ove Agencije broj: UP-I/25-3-40-242-2/22 od 25.07.2022. godine.

Podnosilac zahtjeva je uplatio upravnu i administrativnu taksu u iznosu od 70 plus 3 KM u skladu sa Zakonom o federalnim upravnim taksama i tarifi federalnih upravnih taksi («Službene novine Federacije BiH», broj 6/98, 8/00, 45/10 i 43/13).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju
Rukovodilac Sektora za izdavanje vodnih akata



Haris Ališehović, dipl.ing.građ.

Dostaviti:

- «CESTING» d.o.o. Žepče PJ Želeća
ul. Želeća br 6, 72230 Žepče
- AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava